

# " MENGINFAKKAN HARTA BAGI MEMBANGUNKAN UMMAH"

ٱلْحَمْدُ لِلَّهِ الْقَائِلَ: وَأَعِدُّواْ لَهُم مَّا ٱسْتَطَعْتُم مِّن قُوَّةٍ رّبَاطِ ٱلْخَيْلِ تُرْهِبُونَ بِهِ عَدُوّ ٱللّهِ وَعَدُوَّكُمْ وَءَاخَرِينَ مِن دُونِهِمْ لَا تَعْلَمُونَهُمُ ٱللَّهُ تُنفِقُواْ مِن شَيْءِ فِي سَبِيلِ ٱللَّهِ يُوفَّ إِلَيْكُمْ وَأَنتُمْ لَا تُظَلَّمُونَ ﴿ أَشْهَدُ أَنْ لاَ إِلَىهَ إِلاَّ اللَّهُ وَحْدَهُ. وأَشْهَدُ أَنَّ مُحَمَّدًا عَبْدُهُ, وَرَسُوْ وَسَلِّمْ عَلَىٰ سَيَّدِنَا مُحَمَّدٍ وَعَلَىٰ آلِهِ عَلَىٰ آلِهِ عَلَىٰ اللَّهِ عَلَىٰ اللَّهِ عَلَىٰ اللهِ عَلَىٰ اللَّهِ عَلَىٰ اللَّهُ عَلَيْهُ عَلَىٰ اللَّهُ عَلَيْهُ عَلَىٰ اللَّهُ عَلَىٰ اللّهُ عَلَىٰ اللَّهُ عَلَى اللَّهُ عَلَى اللَّهُ عَلَى اللَّهُ عَلَى اللَّهُ عَلَ أَجْمَعِينَ. أَمَّا بَعْدُ، فَيَآ أَيُّهَا الْمُسْلِمُونَ! إِتَّقُواْ اللَّهَ، أُوْصِيكُمْ وَإِيَّايَ بِتَقْوَى الله فَقَدْ فَازَ الْمُتَّقُونَ. قَالَ



#### Sidang Jumaat sekalian,

Saya menyeru agar kita bersama-sama meningkatkan ketaqwaan kita kepada Allah SWT. dengan melaksanakan segala perintahnya dan meninggalkan segala larangannya. Marilah kita memperbanyakkan zikir kepada Allah SWT dan memperbanyakkan selawat serta salam ke atas junjungan besar Nabi Muhammad SAW. Di samping sentiasa berusaha melaksanakan segala sunnahnya. Mudah-mudahan ianya akan memberikan manfaat kepada kita di dunia dan di akhirat.

Khutbah Jumaat pada kali ini menyeru kita supaya "Menginfakkan Harta Bagi Membangunkan Ummah".

# Muslimin yang dirahmati Allah sekalian,

Dewasa kini, terdapat ramai golongan gelandangan dan miskin harta yang masih wujud di muka bumi Allah ini. Hal ini dapat kita lihat kerana kurangnya rasa keinsafan dan kesedaran di dalam diri manusia untuk membelanjakan sedikit hartanya ke jalan Allah. Manusia seakan-seakan tidak mengerti bahawa sekiranya sedikit kita memberi kepada orang yang memerlukan, maka Allah akan melipat gandakan harta yang di berikan itu.

Hal ini dapat dibuktikan dengan firman Allah S.W.T dalam Surah Al-Baqarah ayat 261:



"Bandingan (derma) orang-orang yang membelanjakan hartanya pada jalan Allah, ialah sama seperti sebiji benih yang tumbuh menerbitkan tujuh tangkai; tiap-tiap tangkai itu pula mengandungi seratus biji. dan (ingatlah), Allah akan melipat gandakan pahala bagi sesiapa yang dikehendaki-Nya, dan Allah Maha Luas (rahmat) kurnia-Nya, lagi meliputi ilmu pengetahuan-Nya."

### Sidang Jumaat yang dirahmati Allah,

Sedekah ialah suatu pemberian kepada orang yang memerlukan dengan tujuan mahu mendekatkan diri kepada Allah. Oleh yang demikian, apabila ia merujuk kepada keimanan dan keyakinan janji Allah, ia adalah sesuatu yang sangat pasti perlu kepada pembuktian iaitu menginfakkan harta ke jalan Allah sama ada infak yang wajib ataupun sunat termasuklah zakat, wakaf, hibah dan hadiah yang diberikan kepada fakir miskin, kaum keluarga, atau fi sabilillah.

# Saudara muslimin yang berbahagia sekalian,

Terdapat banyak fadhilat apabila menginfakkan harta ke jalan Allah, antaranya ialah sebagai pemberi syafaat bagi pelakunya dan terhindar daripada azab kubur. Demikian pula di hari kiamat ia akan mendapat



naungan di sebabkan pahala sedekahnya padahal ketika itu manusia berpanasan di dalam kubur.

Sedekah juga dapat menolak kemurkaan di sebabkan sifat pemurah yang ada pada diri kita. Inilah seperti yang dikehendaki dalam Islam yang mana orang yang kaya lebih berharta membantu golongan yang miskin dan bukan bermegah-megah dengan harta yang dimiliki. Dengan kenyataan yang juga berbentuk satu motivasi bagi umatnya.

Firman Allah SWT. Dalam surah al-Baqarah ayat 271:

"...dan Allah akan menghapuskan dari kamu sebahagian dari kesalahan-kesalahan kamu. dan (ingatlah), Allah Maha mengetahui secara mendalam akan apa yang kamu lakukan".

#### Sidang Jumaat yang dirahmati Allah,

Amalan bersedekah ini merupakan salah satu amalan yang dituntut untuk dihayati dalam kehidupan seharian, sebagaimana yang sering dilakukan oleh baginda Rasulullah SAW. yang mana baginda amat terkenal sebagai seorang yang pemurah dan dermawan. Sesiapa sahaja yang datang meminta pertolongan kepadanya pasti akan dibantu oleh Baginda SAW. Baginda juga menjunjung tinggi golongan pemurah dan dermawan yang membelanjakan hartanya kearah kebaikan. Inilah amalan mulia yang patut dicontohi dan dihayati oleh setiap umat islam pada hari ini.



Firman Allah SWT. dalam surah Ali Imran ayat 92:

"Kamu tidak sekali-kali akan dapat mencapai (hakikat) kebajikan dan kebaktian (yang sempurna) sebelum kamu dermakan sebahagian dari apa yang kamu sayangi. dan sesuatu apa jua yang kamu dermakan maka sesungguhnya Allah mengetahuinya".

#### Sidang Hadirin yang dikasihi sekalian,

Hakikatnya, bersedekah ini bukan sahaja dapat membantu golongan fakir miskin sahaja, bahkan ia juga dapat membantu diri kita sendiri dalam mencapai matlamat taqwa. Ini kerana amalan bersedekah akan dapat mengikis diri kita dari sifat-sifat mazmumah seperti sifat bakhil, riak dan bongkak.

Pada hakikatnya, sedekah ini tidak mengurangi harta yang kita miliki sedikitpun, bahkan Allah SWT akan menggantikannya dengan sesuatu yang lebih baik daripada apa yang telah kita berikan.

Firman Allah SWT. di dalam surah Ali Imran ayat 180:



"Dan jangan sekali-kali orang-orang yang kikir dengan apa yang diberikan Allah kepada mereka dari kurnia-Nya, mengira bahawa (kikir) itu baik bagi mereka, padahal (kikir) itu buruk bagi mereka. Apa (harta) yang mereka kikirkan itu akan dikalungkan (dileher) pada hari kiamat. Milik Allah lah apa yang ada di langit dan di bumi. Allah Maha teliti terhadap apa yang kamu kerjakan".

#### Sidang Jumaat yang berbahagia,

Melalui amalan bersedekah, ia dapat membentuk seorang insan yang berjiwa pengasih dan penyayang serta mendidik kita menjadi insan yang sentiasa peka akan hal dan masalah-masalah yang berlaku di kalangan masyarakat yang ada di sekeliling kita. Dalam masa yang sama, amalan infaq, sedekah dan bentuk-bentuk pemberian yang lain ini juga akan dapat menghindarkan diri kita daripada penyakit "al-wahan" iaitu sifat cintakan dunia dan bencikan mati.

Untuk makluman hadirin sekalian, bagi menyuburkan amalan bersedekah kepada masyarakat, Negeri Selangor telahpun mewujudkan Tabung Amanah Pembangunan Islam Selangor atau ringkasannya TAPIS. Kita semua boleh menyumbang kepada tabung ini dengan kadar minimum RM1.00 setiap bulan. Sumbangan boleh diberikan kepada wakil pemungut yang telah dilantik iaitu dikalangan amil-amil zakat atau datang sendiri ke Pejabat Agama Islam yang berhampiran atau terus ke Bahagian Penyelidikan




dan Pembangunan JAIS di Shah Alam yang menjadi sekretariat menguruskan tabung ini.

Seterusnya, hasil dari sumbangan yang diterima, kutipan tabung ini akan digunakan untuk membantu pelaksanaan program-program pembangunan umat Islam di Negeri ini. Oleh itu, berdasarkan latarbelakang pewujudan tabung dan penggunaannya untuk pembangunan umat , adalah menjadi kemestian kepada para jemaah sekalian untuk mendokong usaha-usaha murni ini dalam menginfakkan harta bagi membangunkan ummah.

Setakat ini, pihak pengurusan TAPIS telah mengagihkan hasil kutipan tabung ini bagi tujuan kelengkapan perpustakaan surau, sekolah dan pejabat, bantuan kewangan pembelian buku-buku Islam, surau, sekolah dan pejabat, bantuan kewangan aktiviti kefahaman Islam, bayaran pengimarahan masjid dan surau, bantuan kewangan dakwah, memperbaiki surau dan bantuan kewangan bagi menjaga keimanan kepada Allah menepati *Maqasid Syariah*.

# Sidang Jumaat yang dirahmati Allah SWT.,

Secara kesimpulannya, infaq dan bersedekah ini mempunyai banyak rahsia dan keistimewaannya yang tersendiri. Apabila manusia dapat menghayati dan mengetahui keistimewaan tersebut, nescaya mereka akan dimurahkan rezekinya oleh Allah dan terhindar daripada bala bencana. Oleh itu, marilah kita mengamalkan amalan sunat yang sangat dituntut oleh Islam ini supaya dapat menghapuskan sifat sombong, takbur dan menunjuk-nunjuk dengan pemberiannya.





يَتَأَيُّهَا ٱلَّذِينَ ءَامَنُواْ لَا تُبَطِلُواْ صَدَقَاتِكُم بِٱلْمَنِ وَٱلْأَذَىٰ كَٱلَّذِى يُنفِقُ مَالَهُ رِئَآءَ ٱلنَّاسِ وَلَا يُؤْمِنُ بِٱللَّهِ وَٱلْأَذَىٰ كَٱلَّذِى يُنفِقُ مَالَهُ رِئَآءَ ٱلنَّاسِ وَلَا يُؤْمِنُ بِٱللَّهِ وَٱلْأَخِرِ فَمَثَلُهُ وَكَمَثَلِ صَفُوانٍ عَلَيْهِ تُرَابُ وَٱلْيَوْمِ ٱلْأَخِرِ فَمَثَلُهُ وَكَمَثَلِ صَفُوانٍ عَلَيْهِ تُرَابُ فَاللَّهُ وَاللَّهُ وَاللَّهُ لَا يَهْدِى ٱلْقَوْمَ ٱلْكَنفِرِينَ عَلَىٰ شَيْءٍ مِّمَّا كَسَبُواْ وَٱللَّهُ لَا يَهْدِى ٱلْقَوْمَ ٱلْكَنفِرِينَ شَيْءٍ مِّمَّا كَسَبُواْ وَٱللَّهُ لَا يَهْدِى ٱلْقَوْمَ ٱلْكَنفِرِينَ



"Wahai orang-orang yang beriman! jangan rosakkan (pahala amal) sedekah kamu dengan perkataan membangkit-bangkit dan (kelakuan yang) (rosaknya pahala amal menyakiti, seperti sedekah) orang yang membelanjakan hartanya kerana hendak menunjuk-nunjuk kepada manusia secara riak, dan ia pula tidak beriman kepada Allah dan hari akhirat. maka bandingan orang itu ialah seperti batu licin yang ada tanah di atasnya, kemudian batu itu ditimpa hujan lebat, lalu ditinggalkannya bersih licin (tidak bertanah lagi). (Demikianlah juga halnya orang-orang yang kafir dan riak itu) mereka tidak akan mendapat sesuatu (pahala) pun dari apa yang mereka usahakan. dan (ingatlah), Allah tidak akan memberi petunjuk kepada kaum yang kafir".

(al-Baqarah : 264).



بَارَكَ اللهُ لِيْ وَلَكُمْ بِالْقُرْآنِ الْعَظِيْمِ، وَانْفَعْنِيْ وَإِيَّاكُمْ بِمَا فِيْهِ مِنَ الْآيَاتِ وَالدِّكْرِ الْحَكِيْمِ وَآتَفَهُ، وَتَقَبَّلَ مِنِيْ وَمِنْكُمْ تِلَاّوَتَهُو، إِنَّهُو هُوَ السَّمِيْعُ الْعَلِيْمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِيْ وَكُمُ وَلَيْ اللهَ الْعَظِيْمَ لِيْ وَلَكُمْ وَلِكُمْ وَلِسَآئِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ, هُوَ الْغَفُورُ الرَّحِيْمُ.



# KHUTBAH KEDUA

لَهِ الَّذِيْ جَعَلْنَا أَنْ لا إِلَهُ إِلَّا وأشهد أن مُحَمَّدًا وَسَ مْ وَبَارِكُ عَلَىٰ بهے ومر أُمَّا بَعْدُ، فَيَ الله، إتَّقُو



مِنْهُمْ وَالْأُمْوَاتِ ، إِنَّكَ مُجِيْبُ الدَّعَوَاتِ وَيَا قَاضِيَ الْحَاجَاتِ. نَسْأُلُكَ وَنَتَوَسَّلُ إِلَيْكَ بِنَبِيِّكَ الأَمِيْنِ، وَنَسْأَلُ بأَسْمَآئِكَ الْحُسْنَى وَصِفَاتِكَ الْعُظْمَى أَنْ تَحْفَظَ الرَّبَّانيَّةِ وَبحِفْظِ وقَايَتِكَ الصَّمَدَانيَّةِ، بعين عِنَايَتِكَ مَلِكِنَا الْمُعَظَّم سُلْطَان سلاَّغُور، سُلْطَان الدِين ادريس شاه الحاج ابن صَلاَحُ الدِين عبد العزيز اَللَّهُمَّ أَدِم الْعَوْنَ وَالْهِدَايَةَ وَالتَّوْفِيْقَ، وَالصِّحَّةَ مِنْكَ، لِوَلِي عَهْدِ سَلاَغُور، تَعْكُو أُمِير شَاه إِبْنِ السُّلْطَانِ شَرَفُ الدِّينِ ادريس الحاج فِيْ أَمْنِ وَصَلاحِ وَعَافِيَةٍ بِمَنِّكَ وَكُرَمِكَ يَا



ذَاالْجَلاَلِ وَالإِكْرَامِ. اَللَّهُمَّ أَطِلْ عُمْرَهُمَا مُصْلِحَيْنِ لِللَّهُ وَالْإِكْرَامِ. اَللَّهُمَّ أَطِلْ عُمْرَهُمَا مُصْلِحَيْنِ لِللَّهُ وَاللَّعِيَّةِ وَالْبِلاَدِ، وَبلِغ مَقَاصِدَهُمَا لِللَّهُ وَالرَّعْدَةِ وَالْبِلاَدِ، وَبلِغ مَقَاصِدَهُمَا لِطَريق الْهُدَى وَالرَّشَادِ.

فَاذْكُرُواْ الله الْعَظِيْمَ يَذْكُرْكُمْ وَاشْكُرُوهُ عَلَىٰ نَعْمِهِ مَ يَزِدْكُمْ وَاشْكُرُوهُ عَلَىٰ نَعَمِهِ مَ يَزِدْكُمْ، وَاسْأَلُوهُ مِنْ فَضْلِهِ مَ يُعْطِكُمْ وَلَذِكُمُ الله أَكْبَرُ وَاللَّهُ يَعْلَمُ مَا تَصْنَعُونَ.